



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-024-3/23**
Datum: **15.02.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BH 4“ d.o.o. Jajce za donošenje rješenja o vodnoj dozvoli za ispuštanje oborinskih onečišćenih voda i za aktivnosti koje mogu imati specifične uticaje na vode na lokaciji površinskog kopa–kamenoloma „Duboki do“, lokalitet Rakovica, općina Ilidža, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „BH 4“ d.o.o. Jajce daje se vodna dozvola za ispuštanje oborinskih onečišćenih voda i za aktivnosti koje mogu imati specifične uticaje na vode sa lokacije površinskog kopa–kamenoloma „Duboki do“, lokalitet Rakovica, općina Ilidža.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, pod slijedećim uslovima:
 - 3.1. Da se izvođenje radova na lokaciji površinskog kopa–kamenoloma „Duboki do“, lokalitet Rakovica, općina Ilidža vrši na način i prema uobičajenoj praksi za ove aktivnosti, te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (taložnici, betonski kanali i slivnici, reviziona okna, kanalizaciona mreža, separatori ulja i masti i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik za sve vrijeme trajanja ove vodne dozvole obezbjeđuje da se oborinske onečišćene vode sa otkopnih i dr. radno-manipulativnih površina prikupljaju putem slivnika, kanala te odvođe kanalizacionom mrežom na tretman do separatora ulja i masti (dva) i preko monitoring okana upuštaju u recipijent – prirodnu vododerinu koja ima karakter povremenog vodotoka.
 - 3.4. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.5. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.6. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20), te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po

osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

3.8. Da se istrošena ulja, nauljene krpe i sav opasan otpad koji će nastati na prostoru površinskog kopa–kamenoloma „Duboki do“ redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

3.9. Nakon okončanja svih aktivnosti na obavljanju tehničkog prijema izgrađenih objekata i sadržaja a u skladu sa revidovanim rudarskim projektom korisnik je u obavezi da ishodovano Rješenje o upotrebnoj dozvoli izdato od strane nadležnog organa dostavi Agenciji.

3.10. Nakon okončanja svih aktivnosti na terenu, a u postupku ishodovanja upotrebne dozvole korisnik je u obavezi da projektnu dokumentaciju: Investiciono-tehnička dokumentacija: Glavni projekat prikupljanja, tretmana i ispuštanja otpadnih voda sa površinskog kopa kamenoloma „Duboki do“ Rakovica, urađen od strane „Zavoda za vodoprivredu“ d.d. Sarajevo, april 2011. godine doradi u skladu sa činjeničnim stanjem na terenu- hidro faza.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

6. U periodu važenja ove dozvole, pravno lice je dužno provoditi sve mjere i aktivnosti propisane istom.

7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „BH 4“ d.o.o. Jajce obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i za aktivnosti koje mogu imati specifične uticaje na vode sa lokacije površinskog kopa–kamenoloma „Duboki do“, lokalitet Rakovica, općina Ilidža.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Aktuelni izvod iz sudskog registra broj: 051-0-RegZ-22-001799 od 06.12.2022. godine izdat od strane Općinskog suda u Travniku - kopija,

- Uvjerjenje o poreznoj registraciji od 02.02.2015. godine izdato od strane Kantonalnog poreznog ureda Novi Travnik kopija,

- Uvjerjenje o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-1175-2/15 od 23.02.2015. godine izdato od strane Uprave za indirektno-neizravno oporezivanje Banja Luka – kopija,

- Ugovor o koncesiji potpisan sa Vladom Kantona Sarajevo, broj:02-14-51322/22 od 27.12.2022. godine – ovjerena kopija,

- Rješenje o vodnoj dozvoli broj:UP-1/25-3-40-416-5/16 od 01.09.2016. godine izdato od strane Agencije za vodno područje rijeke Save, Sarajevo – kopija,
 - Zemljišnoknjižni izvadak, katastarska općina:SP_Rakovica, broj: 119170/22, Zemljišnoknjižni uložak broj: 3054 izdat od strane Općinskog suda u Sarajevu – kopija,
 - Zemljišnoknjižni izvadak, katastarska općina:SP_Rakovica, broj: 119171/22, Zemljišnoknjižni uložak broj: 2089 izdat od strane Općinskog suda u Sarajevu – kopija,
 - Zemljišnoknjižni izvadak, katastarska općina:SP_Rakovica, broj: 065-0-NAR-22-120 327, Zemljišnoknjižni uložak broj: 2089 izdat od strane Općinskog suda u Sarajevu – kopija,
 - Zemljišnoknjižni izvadak, katastarska općina:SP_Rakovica, broj: 119172/22, Zemljišnoknjižni uložak broj: 2089 izdat od strane Općinskog suda u Sarajevu – kopija,
 - Zemljišnoknjižni izvadak, katastarska općina:SP_Rakovica, broj: 119173/22, Zemljišnoknjižni uložak broj: 979 izdat od strane Općinskog suda u Sarajevu – kopija,
 - Dokaz o uplaćenju federalnoj upravnoj pristojbi na zahtjev
 - B Tehnička dokumentacija:
 - Investiciono-tehnička dokumentacija: Glavni projekat prikupljanja, tretmana i ispuštanja otpadnih voda sa površinskog kopa kamenoloma „Duboki do“ Rakovica, urađen od strane „Zavoda za vodoprivredu“ d.d. Sarajevo, april 2011. godine
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru površinskog kopa kamenoloma „Duboki do“ Rakovica i tom prilikom sačinjen je Zapisnik o izvršenom uviđaju broj: UP-1/21-3-40-024-2/23 od 08.02.2023. godine
- Na osnovu dostavljene dokumentacije, izvršenog uviđaja na licu mjesta utvrđeno je sljedeće:
- Kamenolom „Duboki do“ nalazi se u naselju Rakovica, općina Ilidža, unutar granica eksploatacionog polja ležišta, na dijelovima zemljišnih parcela označenim kao k.č. 816 i 978 K.O. Rudnik i k.č. 1610 K.O. Rakovica (novi premjer), Općina Ilidža.
 - Pravno lice „BH 4“ d.o.o. Jajce je potpisalo Ugovor o koncesiji sa Vladom Kantona Sarajevo za eksploataciju minaralne sirovine dolomita na lokalitetu „Duboki do“, Rakovica, općina Ilidža.
 - U prethodnom periodu, prethodnom koncesionaru pravnom licu „Nexe“ d.o.o. Sarajevo izdato je Rješenje o vodnoj dozvoli, broj: UP-I/25-3-40-416-5/16 od 01.09.2016. godine, na period od 5 godine i pod uslovima.
 - Pravno lice „BH 4“ d.o.o. Jajce nije počelo sa eksploatacijom mineralne sirovine. U toku su aktivnosti na ishodovanju drugih rješenja od nadležnih organa, a u postupku ishodovanja upotrebne dozvole, i to: Rješenja o okolinskoj dozvoli, Rješenja za eksploataciju mineralnih sirovine dolomita, Rješenja o potvrđivanju rezervi i dr.
 - Pravno lice „Nexe“ d.o.o. Sarajevo je izvršilo izgradnju objekata i sistema za prikupljanje, tretman i ispuštanje oborinskih onečišćenih voda sa lokacije površinskog kopa–kamenoloma „Duboki do“, lokalitet Rakovica, općina Ilidža, odnosno:
 - izgradili su kanalizacionu mrežu za prihvati i odvodnju otpadnih voda sa prostora platoa za smještaj agregata uključujući i izgradnju podužnih uličnih rešetki i okana te ugradnji separatora ulja i masti sa koalescentnim filterom,
 - izgradili su kanalizacionu mrežu za prihvati i odvodnju otpadnih voda sa prostora ulazno-izlaznog platoa te izgradnju podužnih uličnih rešetki i okana te ugradnji separatora ulja i masti sa koalescentnim filterom,
 - nakon tretmana na separatorima, preko monitoring okana voda se putem ukopanih cijevi odvodi do recipijenta - prirodne vododerine.
 - Na prostoru površinskog kopa neće se vršiti skladištenje nafte i nafnih derivata.
 - Na prostoru površinskog kopa neće se vršiti servisiranje i popravka mehanizacije, nego će se popravka i servisiranje mehanizacije vršiti u ovlaštenim servisima.

- Obezbjedenje tehnološke vode za potrebe obaranja prašine na prostoru površinskog kopa vršiti će se putem cisterni koje će se puniti/dovlačiti po ugovoru koji će biti sklopljen sa VIK-om.

- U toku su aktivnosti na izradi glavnog rudarskog projekta i njegovoj reviziji, što je uslov za početak eksploatacije mineralne sirovine, a koju Investitor planira početi u mjesecu maj-juni 2023. godine.

Nakon okončanja svih aktivnosti na ishodovanju dozvola za neophodnih za početak eksploatacije na kamenolomu „Duboki do“, Rakovica pravno lice će projektну dokumentaciju: Investiciono-tehnička dokumentacija: Glavni projekat prikupljanja, tretmana i ispuštanja otpadnih voda sa površinskog kopa kamenoloma „Duboki do“ Rakovica, urađen od strane „Zavoda za vodoprivredu“ d.d. Sarajevo, april 2011. godine doraditi u skladu sa činjeničnim stanjem na terenu- hidro faza.

Na osnovu provedenog postupka konstatuje se da je podnosilac zahtjeva „BH 4“ d.o.o. Jajce ispunio minimum uslova za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode sa lokacije površinskog kopa-kamenoloma „Duboki do“, lokalitet Rakovica, Općina Ilidža, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl. inž. građ.

Dostaviti:

- „BH 4“ d.o.o.

Šamića mahala b.b., 70101 Jajce, (Prilog),

- AVP Sava, ISV – Vodna knjiga,

- Sektor 50,

- Sektor 40, arhiva,

- Oglasna ploča-AVP Sava

Lenkić 16.02.2023.god.